



XUNTA DE GALICIA

ELECCIÓN AO PARLAMENTO DE GALICIA 2020

INSTRUCCIÓN ECONÓMICO-ADMINISTRATIVAS

PARA OS/AS PRESIDENTES/AS DAS XUNTAS ELECTORAIS

Aprobado por Acordo do Consello da Xunta de Galicia



INDICE

INTRODUCCIÓN.....	4
INSTRUCCIÓN.....	6
GRATIFICACIÓN, RETRIBUCIÓN E INDEMNIZACIÓN.....	7
GRATIFICACIÓN AOS MEMBROS DAS XUNTAS ELECTORAIS PROVINCIAIS E DE ZONA.....	7
RETRIBUCIÓN AO PERSOAL COLABORADOR DAS XUNTAS ELECTORAIS PROVINCIAIS E DE ZONA.....	8
INDEMNIZACIÓN POR GASTOS DE LOCOMOCIÓN.....	8
GASTOS XERAIS DE FUNCIONAMENTO.....	11
IMPRESOS.....	14
IMPRESOS QUE VAN RECIBIR AS XUNTAS ELECTORAIS.....	15
IMPRESOS ELECTORAIS QUE VAN RECIBIR AS XUNTAS ELECTORAIS PROVINCIAIS.....	15
IMPRESOS ELECTORAIS QUE VAN RECIBIR AS XUNTAS ELECTORAIS DE ZONA.....	17
ANEXOS.....	20



INTRODUCCIÓN

A convocatoria de eleccións ao Parlamento de Galicia require dun importante esforzo técnico-administrativo que permita afrontar con garantías o desenvolvemento da totalidade do proceso no seu conxunto, tanto nas fases previas, nas posteriores, como, primordialmente, no día de realización do sufraxio. A complexidade das actuacións incrementábase pola necesidade de coordinar adecuadamente, nun prazo de tempo moi limitado, a participación no proceso de elementos pertencentes a distintas administracións públicas.

Neste sentido, a Vicepresidencia e Consellería de Presidencia da Xunta de Galicia ten atribuída a organización e coordinación dos procesos electorais en que sexa competente a Comunidade Autónoma de Galicia.

Consonte co preceptuado nos artigos 13.2 e 22.2 da Lei orgánica 5/1985, do 19 de xuño, do réxime electoral xeral (LOREX) e artigos concordantes da Lei 8/1985, do 13 de agosto, de eleccións ao Parlamento de Galicia (LEPG), a Xunta de Galicia ten que poñer a disposición das xuntas electorais os medios persoais e materiais necesarios para o exercicio das súas funcións e, así mesmo, ten que fixar as axudas de custo e gratificacións correspondentes aos membros das xuntas electorais e ao persoal ao seu servizo.

Con base na normativa citada no parágrafo anterior, o Decreto 13/2020, do 10 de febreiro, establece as normas sobre os medios materiais que se utilizarán nas eleccións ao Parlamento de Galicia de 2020 e o Decreto 14/2020, do 10 de febreiro, fixa as gratificacións e indemnizacións que percibirán os membros da Administración electoral en Galicia e o persoal ao seu servizo, así como os xuíces de primeira instancia ou de paz, representantes da Administración da comunidade autónoma nas mesas electorais, así como o persoal da Xunta de Galicia, co gallo das eleccións ao Parlamento de Galicia de 2020. Estes dous decretos manteñen a súa vixencia para as eleccións que terán lugar o 12 de xullo de 2020, en virtude do establecido polo Decreto 72/2020, de 18 de maio, de convocatoria de eleccións ao Parlamento de Galicia.

Por todo o anterior, a Xunta de Galicia acorda a través do Consello de Goberno a necesidade de elaborar un marco no que se regulen de maneira detallada:

- O procedemento de aboamento das gratificacións e das indemnizacións aos membros desa xunta electoral así como ao persoal colaborador ao seu servizo.



- O procedemento de dotación dos medios materiais necesarios para o correcto exercicio das súas funcións.
- O procedemento relativo aos documentos relacionados cos puntos anteriores.

Todo isto en consonancia co Real decreto 605/1999, do 16 de abril, de regulación complementaria dos procesos electorais e modificacións posteriores.

Polas razóns expostas, o procedemento que se configura pretende acadar, ademais de establecer os máximos niveis de coordinación entre esa xunta electoral e esta consellería, que a dotación de medios anteriormente mencionados sexa efectuada o antes posible, para evitar prexuízos que impidan o correcto funcionamento desa xunta electoral.

É por todo isto, e desde esta responsabilidade, polo que se elaboraron as presentes **instrucións** co obxectivo último de acadar unha mellor coordinación entre esa Administración electoral e esta Administración autonómica que permita que, unha vez iniciado o proceso electoral, este se desenvolva con total e absoluta normalidade.

Santiago de Compostela, 22 de maio de 2020

O vicepresidente e conselleiro de Presidencia, Administracións Públicas e Xustiza

Alfonso Rueda Valenzuela



XUNTA DE GALICIA

INSTRUCCIÓN



GRATIFICACIÓNS, RETRIBUCIÓNS E INDEMNIZACIÓNS

O Decreto 14/2020, do 10 de febreiro, polo que se fixan as gratificacións e indemnizacións que percibirán os membros da Administración electoral en Galicia e o persoal ao seu servizo, así como os xuíces de primeira instancia ou de paz, representantes da Administración da comunidade autónoma nas mesas electorais, así como o persoal da Xunta de Galicia, co gallo das eleccións ao Parlamento de Galicia de 2020, determina no seu artigo 2º as cantidades que deben ser aboadas aos membros das xuntas electorais provinciais e de zona así como ao persoal colaborador ao seu servizo polo desempeño das súas funcións durante as eleccións ao Parlamento de Galicia de 2020.

GRATIFICACIÓNS AOS MEMBROS DAS XUNTAS ELECTORAIS PROVINCIAIS E DE ZONA

Os membros das xuntas electorais provinciais teñen dereito polo desempeño das súas funcións nas eleccións ao Parlamento de Galicia de 2020 ás seguintes gratificacións:

Membros Xunta electoral provincial	A Coruña	Lugo	Ourense	Pontevedra
Presidente/a	3.230,00 €	2.945,00 €	2.945,00 €	3.230,00 €
Secretario/a	3.040,00 €	2.755,00 €	2.755,00 €	3.040,00 €
Vogais xudiciais e Delegado/a OCE	1.425,00 €	1.330,00 €	1.330,00 €	1.425,00 €
Vogais non xudiciais	807,50 €	712,50 €	712,50 €	807,50 €

Nota: OCE: Oficina do censo electoral

Por outra banda, os membros de todas as xuntas electorais de zona percibirán como gratificación polo desempeño das súas funcións neste proceso electoral autonómico, as seguintes cantidades:

Membros Xunta electoral de zona	Importe
Presidentes/as	2.422,50 €
Secretarios/as	2.232,50 €
Vogais xudiciais	1.007,00 €
Vogais non xudiciais	617,50 €

O dereito ás gratificacións sinaladas neste punto nacerá desde o momento no que se tome posesión do cargo correspondente, e enténdese referido á totalidade do tempo nos que as respectivas xuntas electorais cumbran as súas funcións desde a súa constitución ata que



conclúan o seu mandato por expiración do prazo legal, de conformidade co disposto no artigo 15.2 da Lei orgánica do réxime electoral xeral.

No suposto de que o período do desempeño do cargo dalgún dos seus membros sexa inferior ao mandato legal da xunta electoral respectiva, terá dereito exclusivamente a unha cantidade proporcional ao tempo efectivo do desempeño do cargo.

O aboamento destas gratificacións realizarase unha vez acreditado o seu dereito a percibir a totalidade ou ben a parte proporcional que corresponda, mediante a certificación segundo modelo Anexo I destas instrucións.

RETRIBUCIÓNS AO PERSOAL COLABORADOR DAS XUNTAS ELECTORAIS PROVINCIAIS E DE ZONA

Para remunerar os servizos extraordinarios realizados fóra do horario habitual de traballo, prestados polo persoal colaborador das xuntas electorais provinciais e de zona, asignarase a cantidade de **47,50 euros** por cada unha das mesas que efectivamente se constituían na respectiva provincia; máis unha achega adicional de **4.465,00 euros** ás provincias de Lugo e Ourense.

O importe resultante a nivel provincial terá carácter limitativo, e será repartido pola xunta electoral provincial entre todas as xuntas electorais existentes na provincia. O dito reparto será comunicado á Secretaría xeral técnica da Vicepresidencia e Consellería de Presidencia, Administracións Públicas e Xustiza.

Para poder participar como persoal colaborador das xuntas electorais provinciais e de zona será precisa a súa pertenza como empregado público de calquera das administracións públicas.

Para os efectos do correspondente aboamento destes servizos, os/as secretarios/as de cada unha das xuntas electorais expedirán un certificado (utilizando o modelo do Anexo II) indicando que os servizos prestados foron realizados fóra da xornada habitual de traballo, e que deberá ser remitido á Secretaría xeral técnica da Vicepresidencia e Consellería de Presidencia, Administracións Públicas e Xustiza, a través da aplicación informática que se habilite a tal efecto, xunto co Anexo III debidamente cuberto para cada un dos perceptores. No caso de que estes documentos non se asinen mediante sinatura electrónica, deberá facerse



chegar á dita Secretaría xeral técnica os documentos en formato papel, sen prexuízo de que sexan enviados os documentos escaneados, en formato dixital, a través da aplicación informática indicada.

INDEMNIZACIÓNS POR GASTOS DE LOCOMOCIÓN

Con cargo a este punto sufragaranse os gastos de desprazamento dos membros das xuntas electorais así como dos/as xuíces/xuízas, aos que se fai referencia no artigo 101.3 da Lei orgánica 5/1985 do 19 de xuño, do réxime electoral xeral.

O procedemento para o aboamento variará dependendo do perceptor, de acordo co que se establece a continuación:

a) Membros das xuntas electorais

Cando os membros das xuntas, para asistiren ás reunións regulamentariamente convocadas, teñan que desprazarse fóra do municipio da súa residencia habitual seranlles aboados integramente os gastos de locomoción e, se utilizasen o seu vehículo particular, aboaráselles cada quilómetro percorrido a razón de **0,19 euros**.

Se ao efectuar o desprazamento se fixese todo ou parte do percorrido por autoestrada de peaxe, será indemnizable o gasto da peaxe, que se deberá acreditar coa presentación do xustificante que verifique a súa realización. Igual consideración terán os gastos de aparcamento que sexa necesario sufragar para acudir á xunta electoral de zona correspondente.

Polas viaxes realizadas cubrirase un exemplar do Anexo IV que se achega, a través da aplicación informática deseñada a tal efecto.

O aboamento destas cantidades efectuarase mediante unha transferencia bancaria, de acordo cos datos facilitados pola persoa interesada no Anexo III, a través da aplicación informática deseñada a tal efecto

b) Xuíces/xuízas de primeira instancia ou de paz aos que alude o artigo 101.3 da LOREX

Os/as xuíces/xuízas de primeira instancia ou de paz percibirán en concepto de indemnización a cantidade de **58,90 euros** mais os gastos de locomoción que lles



ocasiono o desprazamento á sede da xunta electoral provincial que deba realizar o escrutinio, para a entrega da documentación electoral.

Se ao efectuar o desprazamento se fixese todo ou parte do percorrido por autoestrada de peaxe, será indemnizable o gasto da peaxe, que se deberá acreditar coa presentación do xustificante que verifique a súa realización. Igual consideración terán os gastos de aparcamento que sexa necesario sufragar para acudir á xunta electoral de zona correspondente.

Polas viaxes realizadas cubrirase un exemplar do Anexo V que se achega, a través da aplicación informática deseñada a tal efecto.

O aboamento destas cantidades efectuarase mediante unha transferencia bancaria, de acordo cos datos facilitados pola persoa interesada no Anexo III, a través da aplicación informática deseñada a tal efecto.



GASTOS XERAIS DE FUNCIONAMENTO

O Decreto 14/2020, do 10 de febreiro, polo que se fixan as gratificacións e indemnizacións que percibirán os membros da Administración electoral en Galicia e o persoal ao seu servizo, así como os xuíces de primeira instancia ou de paz, representantes da Administración da comunidade autónoma nas mesas electorais, así como o persoal da Xunta de Galicia, co gallo das eleccións ao Parlamento de Galicia de 2020, determina no seu artigo 2º punto 5, que a Xunta de Galicia, co obxecto de dar obrigado cumprimento ao preceptuado na normativa electoral vixente, poñerá a disposición das xuntas electorais os medios materiais necesarios para o exercicio da súas funcións.

Neste senso e con cargo a este punto aboaranse todos aqueles gastos de natureza material que resulten necesarios efectuar para o correcto funcionamento desa Administración electoral.

Nesta posta a disposición de medios deben terse moi presentes as dúas notas que concorren na Administración electoral:

- Carácter temporal da súa vixencia.
- A imbricación da maioría dos seus membros no seo da Administración de Xustiza, dotada cuns medios permanentes susceptibles de seren utilizados, na medida do posible.

Ambas as dúas características levan á conveniencia de que, por razóns de economía de medios, cando sexa posible, se utilicen aqueles medios materiais que sexan de titularidade dalgunha das administracións públicas.

Dentro deste epígrafe prevese unha estimación dunha achega máxima de 6.300 euros por xunta electoral provincial e 4.050 euros por xunta electoral de zona.

As cantidades fixadas no parágrafo anterior corren a cargo da Xunta de Galicia, e establécese con base no previsto no artigo 13.2 da Lei orgánica 5/1985, do 19 de xuño do réxime electoral xeral, sen que menoscabe a obriga que pesa sobre outras administracións e que se atopa establecida no citado precepto.

As xuntas electorais provinciais e as xuntas electorais de zona remitirán ó Habilitado da Consellería de Presidencia, Administracións Públicas e Xustiza, as facturas que por este concepto se xeren, debidamente conformadas, para o seu abono.



Para finalizar, e en relación con este punto, mencionar o feito de que a Xunta de Galicia está en disposición de ofrecer ás xuntas electorais provinciais o soporte informático necesario para facilitar as actuacións derivadas do cumprimento do disposto no artigo 103 da Lei orgánica 5/1985, do 19 de xuño, do réxime electoral xeral en relación co disposto no artigo 37 bis da Lei 8/1985, do 13 de agosto, de eleccións ao Parlamento de Galicia.

Neste senso, e no caso de que desde a Administración electoral se entenda necesario dispor deste soporte informático, deberá poñelo en coñecemento da Secretaría xeral técnica da Vicepresidencia e Consellería de Presidencia, Administracións Públicas e Xustiza coa maior brevidade posible ao obxecto de poder levar a cabo as accións necesarias para facilitar o dito servizo.



XUNTA DE GALICIA

MEDIDAS EN RELACIÓN AO COVID-19

Estas instrucións complementaranse, polo que se refire aos medios persoais e materiais a pór a disposición dos/das Presidentes/as das Xuntas, coas determinacións que se poidan prever no protocolo mediante o que se establecerán, por parte da Xunta de Galicia, as medidas preventivas en materia de saúde pública fronte ao COVID-19 para o desenvolvemento da xornada electoral, que implementarán as aquí recollidas.



XUNTA DE GALICIA

IMPRESOS



IMPRESOS QUE VAN RECIBIR AS XUNTAS ELECTORAIS

O Decreto 13/2020, do 10 de febreiro, polo que se establecen as normas sobre os medios materiais que se utilizarán nas eleccións ao Parlamento de Galicia de 2020, constitúe o marco regulamentario que regula os impresos electorais que serán de utilización obrigatoria en todos os trámites e operacións nestes comicios autonómicos.

IMPRESOS ELECTORAIS QUE VAN RECIBIR AS XUNTAS ELECTORAIS PROVINCIAIS

a) Impresos relacionados coa presentación e proclamación de candidaturas

Conforme o disposto polo artigo 13.2 da Lei 5/1985, do 19 de xuño, do réxime electoral xeral, a Xunta de Galicia porá ao dispor desa xunta electoral provincial os impresos relativos á presentación e proclamación de candidatos que abaixo se relacionan:

CÓD.	DENOMINACIÓN	LUGAR DE ENTREGA	DATA DE ENTREGA
EPG 3.1	Comunicación da constitución da coalición electoral.	Dixital	Dispoñible desde o 19/05/2020
EPG 3.2	Comunicación por unha Xunta Electoral á Xunta Electoral de Galicia	Dixital	Dispoñible desde o 19/05/2020
EPG 3.3	Presentación de candidatura ao Parlamento de Galicia.	Dixital	Dispoñible desde o 19/05/2020
EPG 3.4	Presentación de candidatura por agrupación de electores (folla de sinaturas).	Dixital	Dispoñible desde o 19/05/2020
EPG 9.8	Credencial de deputado/a do Parlamento de Galicia.	XEP	Tras a publicación dos resultados definitivos

Os documentos en formato dixital estarán dispoñibles no enderezo web <https://eleccionsgalicia2020.gal/>

b) Impresos de nomeamentos de apoderados/as



A teor do establecido no artigo 35.2 da Lei 8/1985, do 13 de agosto, de eleccións ao Parlamento de Galicia, esta Administración autonómica facilitará á xunta electoral provincial os impresos que permitan cumprir co disposto nese artigo.

CÓDIGO	DENOMINACIÓN	LUGAR DE ENTREGA	DATA DE ENTREGA
EPG 6.3	Matriz de nomeamento de apoderados	Dixital	Dispoñible desde o 19/05/2020
EPG 6.3.a	Credencial de nomeamento de apoderados	Dixital	Dispoñible desde o 19/05/2020

Os documentos en formato dixital estarán dispoñibles no enderezo web <https://eleccionsgalicia2020.gal/>

c) Impresos relacionados co escrutinio xeral

Atendendo ao feito de que esa xunta electoral provincial será a encargada, tal e como así estipula o artigo 37bis1 da Lei 8/1985, do 13 de agosto, de eleccións ao Parlamento de Galicia, de levar ao cabo o escrutinio xeral das eleccións ao Parlamento de Galicia de 2020 na súa circunscrición, a Xunta de Galicia proverá a esa Administración electoral dos impresos necesarios para o seu correcto desenvolvemento.

CÓD.	DENOMINACIÓN	LUGAR DE ENTREGA	DATA DE ENTREGA
EPG 9.1	Acta de constitución da xunta para o escrutinio xeral.	Dixital	Dispoñible desde o 19/05/2020
EPG 9.2	Acta de escrutinio.	Dixital	Dispoñible desde o 19/05/2020
EPG 9.3	Acta das sesións do escrutinio.	Dixital	Dispoñible desde o 19/05/2020
EPG 9.4	Acta de constitución da mesa electoral para o escrutinio de votación dos residentes ausentes no	Dixital	Dispoñible desde o 19/05/2020



	estranxeiro		
EPG 9.5	Acta de escrutinio para a votación dos residentes ausentes no estranxeiro	Dixital	Dispoñible desde o 19/05/2020
EPG 9.7	Acta de proclamación.	Dixital	Dispoñible desde o 19/05/2020

Os documentos en formato dixital estarán dispoñibles no enderezo web <https://eleccionsgalicia2020.gal/>

Ademais das mencionadas actas, esta Administración autonómica facilitará, en número suficiente, á xunta electoral provincial que así o solicite, a acta de constitución da mesa electoral para o escrutinio de votación dos/as residentes ausentes no estranxeiro así como a acta de escrutinio para a votación dos/as residentes ausentes no estranxeiro.

IMPRESOS ELECTORAIS QUE VAN RECIBIR AS XUNTAS ELECTORAIS DE ZONA

a) Impresos relacionados coa formación das mesas electorais

Con base no preceptuado no artigo 26.1 de la Lei orgánica 5/1985, do 19 de xuño, do réxime electoral xeral, segundo o cal “a formación das mesas compete aos concellos, baixo a supervisión das xuntas electorais de zona”, a Xunta de Galicia, co obxecto de establecer os máximos niveis de colaboración e entendemento entre esa xunta electoral de zona e os concellos adscritos a ela, entende necesario incluír neste punto todos os impresos relacionados coa formación das mesas electorais, o que permitirá acadar unha mellor coordinación entre as partes anteriormente mencionadas.

CÓD.	DENOMINACIÓN	LUGAR DE ENTREGA	DATA DE ENTREGA
EPG 5.1	Lista de electores capacitados para presidentes e suplentes.	Dixital	Dispoñible desde o 19/05/2020



EPG 5.2	Lista de electores/as capacitados para vogais e suplentes.	Dixital	Dispoñible desde o 19/05/2020
EPG 5.3	Comunicación dos concellos á Xunta Electoral de Zona correspondente, da formación de mesas electorais.	Dixital	Dispoñible desde o 19/05/2020
EPG 5.4	Nomeamento de membros das mesas (impreso múltiple catro follas).	Dixital	Dispoñible desde o 19/05/2020
EPG 5.4.a	Comunicación de datos de identificación ao xuíz.	Dixital	Dispoñible desde o 19/05/2020
EPG 5.4.b	Comunicación datos identificación. Copia	Dixital	Dispoñible desde o 19/05/2020
EPG 5.4.c	Xustificante de recepción do nomeamento polo interesado.	Dixital	Dispoñible desde o 19/05/2020
	Manual para membros das mesas.	Concellos	11/06/2020
EPG 5.5	Sobre para a remisión da notificación aos membros das mesas electorais.	Concellos	11/06/2020
EPG 5.6	Comunicación aos xuíces de primeira instancia ou de paz da composición das mesas electorais.	XEZ	11/06/2020
EPG 5.7	Citación definitiva aos membros das mesas electorais.	XEZ	11/06/2020

Os documentos en formato dixital estarán dispoñibles no enderezo web <https://eleccionsgalicia2020.gal/>

b) Impresos de nomeamento de interventores/as e apoderados/as

En virtude do establecido nos artigos 33 e 35 da Lei 8/1985, do 13 de agosto, de eleccións ao Parlamento de Galicia, esta Administración autonómica facilitará a esa xunta electoral de zona os impresos que permitan cumprir co disposto neses artigos.



CÓD.	DENOMINACIÓN	LUGAR DE ENTREGA	DATA DE ENTREGA
EPG 6.1	Matriz de nomeamento de interventores.	Dixital	Dispoñible desde o 19/05/2020
EPG 6.1.a	Credencial de nomeamento de interventores.	Dixital	Dispoñible desde o 19/05/2020
EPG 6.1.b	Comunicación ao presidente da mesa electoral de votación da que forma parte.	Dixital	Dispoñible desde o 19/05/2020
EPG 6.1.c	Comunicación ao presidente da mesa electoral de votación da lista electoral na que figura inscrito.	Dixital	Dispoñible desde o 19/05/2020
EPG 6.2	Sobre a dirixir ao presidente da mesa para remisión copia credencial nomeamento de interventores.	XEZ	11/06/2020
EPG 6.3	Matriz de nomeamento de apoderados	Dixital	Dispoñible desde o 19/05/2020
EPG 6.3.a	Credencial de nomeamento de apoderados	Dixital	Dispoñible desde o 19/05/2020

Os documentos en formato dixital estarán dispoñibles no enderezo web <https://eleccionsgalicia2020.gal/>

Para finalizar, e sen menoscabo de futuras comunicacións entre a xunta electoral de zona e esta Administración autonómica, que co obxecto de previr as continxencias que aparecen reflectidas no artigo 84.4 da Lei orgánica do réxime electoral xeral, a Xunta de Galicia fará entrega a esa Administración electoral dun número suficiente de papeletas e sobres que permita evitar calquera tipo de incidencia que puidese perturbar o normal e correcto funcionamento da xornada electoral así como garantir á nosa cidadanía o libre exercicio do seu dereito ao voto.



XUNTA DE GALICIA

ANEXOS



ANEXO I: CERTIFICACIÓN MEMBROS XUNTAS ELECTORAIS

Eu _____, secretario/a da Xunta Electoral Provincial/Zona
de _____

CERTIFICO:

Que o persoal que se detalla prestou servizos no proceso de eleccións ao Parlamento de Galicia de 2020, na condición que se sinala e nos períodos expresados:

NIF	APELIDOS E NOME	PERÍODO		MEMBRO ¹
		DENDE	ATA	

E para que conste, ante a Xunta de Galicia, para os efectos do seu aboamento asino este certificado en
_____ a _____ de _____ de 2020

(Sinatura)

(Vº e Prace)

¹ Indicar : presidente, secretario, vogal x., vogal nx.



XUNTA DE GALICIA

ANEXO II: CERTIFICACIÓN DE SERVIZOS PERSOAL COLABORADOR

Eu _____, secretario/a da Xunta Electoral Provincial/Zona
de _____

CERTIFICO:

Que o persoal colaborador que se detalla, prestou servizos, con carácter voluntario, fóra da súa xornada habitual de traballo, a requirimento desta xunta no proceso de eleccións ao Parlamento de Galicia de 2020, nos períodos e polos importes expresados:

RELACIÓN DE PERSOAL COLABORADOR

NIF	APELIDOS E NOME	PERÍODO		IMPORTE ÍNTEGRO
		DENDE	ATA	

E para que conste, ante a Xunta de Galicia, para os efectos do seu aboamento asino este certificado en
_____ a _____ de _____ de 2020

(Sinatura)

(Vº e Prace)



ANEXO III: DATOS PERSOAIS E BANCARIOS

DATOS PERSOAIS

Apelidos e nome:		NIF	
Enderezo:			
CP:	Localidade:		

DATOS BANCARIOS

TITULAR:															
IBAN - CÓDIGO CONTA CLIENTE															

ANO DE NACEMENTO:

TIPO IRPF A APLICAR:

En _____, a _____, de _____ de 2020

(sinatura)



ANEXO IV: GASTOS DE VIAXE

Eu _____, membro da xunta electoral provincial/de zona de _____, nas eleccións ao Parlamento de Galicia de 2020.

DECLARO que realicei as viaxes que se detallan:

DATA E HORA DE SAÍDA	DATA E HORA DE CHEGADA	LOCALIDADE DE ORIXE	LOCALIDADE DE DESTINO	TOTAL KM PERCORRIDOS

1) Se utiliza vehículo particular:

“Realicei o desprazamento no meu vehículo particular con matrícula _____”

Importe total: 0,19 €/km x _____ km percorridos = _____ euros.

Total peaxe (acompañar xustificantes) = _____ euros.

Total aparcamento (acompañar xustificantes) = _____ euros.

TOTAL desprazamento = _____ euros.

2) Se utiliza taxi (deberá achegar recibo detallado dos servizos realizados):

Importe do/s recibo/s: _____ euros.

_____, a ___, de _____ de 2020

O/A DECLARANTE, (Sinatura)

CERTIFICADO

Eu _____, secretario/a da xunta electoral provincial/de zona de _____ CERTIFICO que o/a declarante asistiu á/s reunión/s que esta xunta electoral mantivo o/s día/s

_____, a ___, de _____ de 2020



ANEXO V: GASTOS DE VIAXE XUÍCES DE PRIMEIRA INSTANCIA OU PAZ

Eu _____, xuíz/a de primeira instancia / de paz

DECLARO que realicei as viaxes que se detallan:

DATA E HORA DE SAÍDA	DATA E HORA DE CHEGADA	LOCALIDADE DE ORIXE	LOCALIDADE DE DESTINO	TOTAL KM PERCORRIDOS

1) Se utiliza vehículo particular:

“Realicei o desprazamento no meu vehículo particular con matrícula _____”

Importe total: 0,19 €/km x _____ km percorridos = _____ euros.

Total peaxe (acompañar xustificantes) = _____ euros.

Total aparcamento (acompañar xustificantes) = _____ euros.

TOTAL desprazamento = _____ euros.

2) Se utiliza taxi (deberá achegar recibo detallado dos servizos realizados):

Importe do/s recibo/s: _____ euros.

_____, a ___, de _____ de 2020

O/A DECLARANTE, (Sinatura)

CERTIFICADO

Eu _____, secretario/a da Xunta Electoral Provincial de _____ CERTIFICO que o servizo ao que se refire o punto 3 do artigo 101 da Lei orgánica 5/1985 do réxime electoral xeral foi realizado polo/a xuíz/a de primeira instancia ou de paz de _____ durante os días sinalados conforme se acredita na correspondente declaración do/a interesado/a.

_____, _____ de _____ de 2020